

CCOO denuncia'l vetu de la Consejería d'Educación a la preparación de les certificaciones de niveles de Llingua Asturiana nos Centros de Persones Adultes

El Sindicatu d'Enseñanza de CCOO Asturias denuncia que la Consejería d'Educación ta bloqueando la preparación de les pruebas de nivel en llingua asturiana nel Centru d'Educación de Persones Adultes del Nalón (CEPA NALÓN de Sotrondio). La impartición d'estes enseñances nun xeneraría contrataciones nueves nin gastu nengún a la Alministración.

El Gobiernu d'Asturies estableció **los niveles de competencia nel usu de la llingua asturiana** y reguló los niveles correspondientes al Marcu Européu de Referencia de les Llingües al traviés del Decretu 47/2019 d'acordies col artículu 4 del Estatutu d'Autonomía que determina que la llingua asturiana va gociar de protecció y que van haber de promovese'l so usu, el so espardimientu y la so enseñanza.

De la mesma, la Carta Europea de Llingües Minoritaries y Rexonales ratificada per España en 2001 garantiza que los **estaos van desenvolver polítiques que garanticen “cuntar con medios fayadizos para la enseñanza y l'estudiu de les llingües rexonales o minoritaries en tolos niveles.”**

Tres l'aprobación del Decretu 47/2019 fueron convocaes dacuando pruebas de acreditación de los niveles en llingua asturiana d'alcuertu al Marcu Européu de Referencia de les Llingües, **superándose bultablemente'l número máximu d'inscripciones nes pruebas que dexa la Consejería d'Educación** (por casu, pa la primer convocatoria de pruebas -600 places- recibéronse 800 solicitúes).

Por cuenta de que la demanda d'alumnáu que deseya preparar estes pruebas ye abonda, el CEPA del Nalón solicitó'l **4 d'ochobre de 2023 autorización a la Consejería d'Educación pa impartir enseñances preparatorias de les pruebas de nivel B2 y C1** ensin que l'alministración respondiera a pidimientu talu. El CEPA planió estes enseñances de cuenta que nun supunxeren medra de gastu ningún de personal pa la Consejería d'Educación.

Énte'l retrasu na respuesta al pidimientu del CEPA, el Sindicatu d'Enseñanza de CCOO Asturias esixó a la Consejería d'Educación que respondiera per escritu al centru esclariando si podía o non empezar a impartir estes enseñances, pero nun recibió repuesta, polo qu'atopámonos de facto **énte una denegación de l'autorización por silenciu alministrativu.**

CCOO denuncia públicamente esta denegación tapada y pregúntase cómo ye posible qu'un gobiernu de coalición que se diz defensor de la llingua y la cultura asturiana torpedie les enseñances p'adultos de la llingua que diz defender y esixe que s'autorice, con calter urxente, la impartición de les enseñances preparatorias de les pruebas de nivel.